



B. N. C
FIRENZE
1070
33





1070.33





L'ANTI-
MORGARD.

SVR
SES PREDICTIONS DE
*la presente annee mil six
cens quatorze.*



À PARIS;
Douxte la copie Imprimee par
Anthoine du Brueil.

M. DC. XIV.



1970.33



L'ANTI-MORGARD.

*Sur ses predictions de la presente
annee mil six cens quatorze.*

PLATON le plus sage Politique de l'antiquité, bannissoit de sa Republique les deuins, les interpretes des songes, & ceux qui faisoient la cour aux astres, bornoient la fortune des hommes en leur influence: de peur que les Citoyens portez à des nouueautez, ne se laissassent aller à la douceur de leur persuasion, & que cela ne leur fust, comme à Pandore, semer des mal-heurs au monde, pour trouuer l'esperance au fond de la boëtte. Voila pourquoy ceste Cour souueraine du Parlement de Paris, où tant d'illustres personnages seruent d'oracles à la Iustice t'ont exilé, afin que la punition de sa temerité seruist de frein à tous ces esprits seditieux & turbulents, qui veulent abreger, ou prolonger la vie des hommes, selon qu'elle tombe au bout de leur plume, & afin qu'il n'y eust

personne si despourueuë de iugement, de
preferer des presomptueuses impietez à la
puissance du Createur, qui prend en main
la protection des Roys, ses enfans legiti-
mes, & qui faict prosperer les Royaumes de
ceux qu'il a esleus selon son cœur, chastiant
tost ou tard, ceux qui en troublent le repos
& la tranquillité.

Ainsi que ces Alquemistes, apres auoir
consumé leurs biens & leur temps à cer-
cher vne pierre fabuleuse, laquelle est en
la fantaisie de plusieurs, & laquelle pour-
tant ne fut iamais en la possession de per-
sonne, se voyans sans reputation & sans
moyen de viure ont recours à la fausse
monnoye, ou sans auoir esgard à la puni-
tion de tant d'autres qui leur ont seruis
d'exemple, abusent de l'image & de la mise-
ricorde de leur souuerain: tout de mesme
ce Morgard, ayant sué & pené long temps
en ses predictions chymeriques, & cherché
du beau temps & de la pluye en ses Capri-
ces, n'ayant autre estime parmy le monde
que d'un faiseur d'Almanachs, & ne s'estât
par ce moyen peu tirer de la necessité or-
dinaire à tel vendeurs de triacle n'y sortit
de la lie du peuple, ou son origine le rete-
noit, sans estime & sans bruit, esperant se

rendre recommandable par son insolence, attaque la personne de sa Majesté, laquelle estant en la protection de Dieu, ne peut estre offencée par la malice des astres.

Je veux bien que ce grand Martial, qui a le Scorpion pour ascendant, aye vne belle fortune, pourueu que ce ne soit point au preiudice de nostre Roy, n'y de ceux qui luy touchent, & que ceux qui sont sur le theatre le favorisent de leur bien veillance, & qu'ils luy donnent des liberalitez & des recompences sortables à sa qualité, & au seruice que sa couronne en desire. Voila la place qu'il merite, & celle que sa prudence luy fera iustement pretendre. Il sçait bien que ceux-là cherchent leur infortune qui offensent leurs superieurs; & qu'il est dangereux qu'ils aient autant de souuenir pour chastier ceux qui leur desplaisent, que pour recompenser ceux qui les seruent. Car les Roys ont cela de particulier, ou comme par tradition du ciel de pardonner à la fragilité, & de punir l'obstination. Si on chastie celuy qui abuse de l'image du Prince, en la fausse monnoye, tu trouueras ton chastiment iuste, d'auoir osé temerairement limiter les iours de nostre Monarque. Les Roys sont des

reliques sacrez, il n'y a que les esleus qui y touchent, encor est-ce pour en faire recognoistre l'estime à tout le monde.

Tu nous chante que des Martiaux feront par tout retentir le bruit de leurs armes, iusques icy nous n'en auons rien veu, si tu n'appelle des effets de Mars, le mal que tu procurois à la France. Tu nous menaces de forces prises de villes, mais Dieu mercy il n'y en a point encore, où la fleur de Lis ne soit à la porte, pour se faire respecter de ceux qui la regardent, & aux cœurs de Citoyens pour la deffendre, contre tous ceux qui en voudroient alterer le lustre.

Tu nous predis vne reformation en l'Estat Ecclesiastique, est-ce pource qu'il y a des hommes d'Eglise, qui font plus d'estat de ton Almanach, & le fucillettent plus souuent que leur Breuiare, ou pource qu'ils voudroient sous la faueur de tes Orosopes, r'enfiler le premier grain de leur Chappelet, qui est peut estre près de tomber hors de leur main.

Quand Moise, pour refrener la licence du peuple d'Isaël, leur vient apporter la Loy, il leur apparut si redoutable, qu'ils ne peurent supporter l'esclat de sa lumie-

re, tellement que le peuple fut contraint de luy supplier de parler à luy avec plus de douceur, afin de mieux conseruer ses commandemens & ses preceptes: Ce Patriarche ne voulant perdre, n'y escarter ce peuple de la cognoissance de la verité, se retira dans l'arche, ou apres s'estre depouillé de ceste grande splendeur, il rassoura les Israélites, & communiqua à eux plus familièrement.

Si on iuge qu'il soit expedient de reformer vn gouuernement, où toute chose fait pour le bien public, il faut venir avec des humbles remonstrances, & non pas les armes à la main: où l'Estat auroit plus de crainte qu'on ne se voulut establir par la force, que de le soulager par vne reformation.

Après qu'Adam à la persuasion de sa femme, & sa femme à la sollicitation de Satan, eust contreuenue au commandement de Dieu, lequel luy demandant raison de sa desobeyssance, s'excuse sur sa compagne, & sa compagne sur le Serpent: Toutesfois (bien qu'il fut chastié) la posterité fut infectée de la contagion de son crime. Si quelqu'un à ta sollicitation, se souleuoit contre son Prince (ce qui ne

se fera pas, il n'y a personne qui ne le respecte, & ne le reconnoisse) & qu'à son exemple vn autre le suiuit. Quand le Roy, Dieu tutelaire de la France, luy demanderoit le subject de sa reuolte, seroit-il excusable d'alleguer le conseil d'autrui, (puis que les meſchans demandent plustost la guerre pour s'enrichir que pour combattre, & qu'on ne doit point ajouter de foy aux personnes, qui nous destournent de nostre deuoir,) & les autres seroyent-ils sans coulpe, de mettre en ieu tes pronostiques, puis que le peuple se seroit resſenty de telle inuasion.

Si iadis on chastioit à Rome la Vestale, laquelle par negligence laissoit esteindre le feu, qu'on reseruoit comme le bon-heur de la patrie. Quelle peine merite celuy qui veut alterer la prosperité de son pays.

Quand Nicias fut enuoyé par contrainte à la conqueste de Sicille, il aprit de l'oracle, qu'il deuoit sacrifier à la Deesse Hesichia, c'est à dire à la tranquillité, pour luy faire cognoistre que ceste entreprise luy seroit infructueuse. Son bon Ange l'en vouloit diuertir; mais les Atheniens aduertis par vn Charlatan d'Astrologue, appellé Meton, qu'il deuoit prendre tous
les

Les habitans prisonniers, ils le forcèrent de parler, où ayant pris vn vaisseau de Syracuse, dans lequel il trouua vne table, où tous les noms des Syracusanis estoient escripts, il fut defait, & son armée en desroute, par ceux desquels il n'auoit triomphé que des noms.

Voyla pourquoy il est dangereux de commenter des guerres iniustes, & mesmes contre des orphelins & des vefues, desquelles le Seigneur prend la cause en main, comme ennemy des iniustices des hommes. Nous n'en verrons iamais les effects. Les Princes sont trop zelez au bien du Royaume, & trop obeissans aux commandemens du Roy: Aussi feront-ils avec Militades plus de gloire d'estre couronnez d'une branche d'oliue, ayant procuré la paix de leur patrie, que de toutes les Palmes que leur courage peut gagner à son delauantage. C'est vn plus grand honneur aux grands de triompher de leur passions, que d'un Sceptre: puis que l'homme n'a point de plus grand ennemy que sa prosperité. La grandeur de Pompee, & celle d'Annibal furent cause de leur perte. La fortune ressemble à la vitre plus elle est claire, plus elle est fragile. Les hommes experimentent tous les

iours par la vicissitude, que les choses ad-
uerses procedent des plus heureuses, &
les plus fortunées des aduerses. Le Dra-
gon se noüant inconsiderement aux jam-
bes de l'Elephant, y treuue sa mort en y
cherchant son viure : Tu esperois de te
rendre necessaire par tes predictions fabu-
leuses : mais tu vois, que

*La Fortune en flattant cache ses benefices,
Et la foudre applaudit les plus hauts edifices
L'orgueil est odieux & toute ambition,
Treuue en terre ou au Ciel vne punition.*

Voyla pourquoy celuy est bien sage qui
se cognoist soy-mesme, & qui se contente
de l'autorité en laquelle Dieu l'a esleué,

*De s'attaquer aux Dieux, c'est vne outrecuidance,
L'homme est comme le bien sujet à decadance,
Comme le tourbillon dedans l'air emporté:
Est presque en mesme temps en bas precipité,
Qui se veut esleuer plus haut que la lumiere,
Estant venu de poudre il retombe en poussiere.
Morgard, parle-moy donc, ne cognoissois-tu pas,
Que les Dieux seulement sont exemps du trespas?
Et que les demy-Dieux, nos anges tutelaires,
Sont mesme à Iuppiter quelquefois necessaires,
Se resient plutost à leur fidelité
Qu'à ceux qu'il a gagné par liberalité:
Parce que le mortel a qui le bien commande:
Autre chose que bien, auare, il ne demande:
Mais à ces demy-Dieux la reputation,
Et l'honneur immortel tient lieu d'ambition.*

Les Dieux voulant donner la protection d'Athenes à quelqu'un de leur bande resolverent de la donner au premier des contendants, qui mettoit sur le tapis ce qui seroit plus nécessaire au bien de l'homme. Neptune offrit un cheval armé pour signifier que la reputation & l'honneur s'acqueroit par les armes. Minerve iugeant iudicieusement ce qui est plus utile à la société humaine, presenta une olive, en tescmoin que les plus doux fructs ne se peuuent moissonner qu'en une saison, exempte de trouble & de sedition, & que ce n'est rien de vaincre qui n'a le loisir & le repos de iouyr de la victoire.

Ces choses offerres au consistoire des Dieux, debattuës par l'une & l'autre brigue, & balancées equitablement par Iupiter, (comme les differents des parties Françoises sont decidees en la Cour souveraine des Parlemens, sans autre faueur que la iustice) furent adiugees au profit de Minerve, plus digne de triompher par le bon-heur de la paix, que Neptune par la fureur de ses armes.

Je croy que la Royne est ceste chaste Minerve, digne de la Regence, & de l'autorité qu'elle a; recherchant par

tous moyës d'entretenir la paix es Royau-
mes du Roy, son seigneur & fils, faisant
florir la vertu & les lettres, en faisant
nourrir sa Majesté, en l'estime des person-
nes de merite, & pour les armes, & pour
les sciences.

J'espere qu'elle sera comme Tomiris
victorieuse de tous ceux qui s'esleueront
contre son autorité : Il est vray qu'elle
ayme mieux pacifier les differens avec
douceur, que d'en venir à la force, & de
cancer les mains au sang de ses ennemis,
si elle a jamais donné sujet d'en auoir en
reconoissant tout le monde, selon son
merite : car c'est vn effet de presumption
d'entreprendre sans conseil, de hazarder
sans consideration, & d'exécuter sans iuge-
ment, parce que les temeraires n'ont point
d'auantures plus heureuses que leur va-
nité, ou bien celles qui sont sujettes à tou-
tes sortes de deceptions, lesquelles ils ne
peuvent euitier pour ne les auoir pre-
uenës.

Il y a plusieurs Césars en courage, &
fort peu en bonne fortune. La vertu doit
estre fidelle compagne, à ceux qui ont préé-
minence sur les hommes, & principale-
ment sur les hommes de guerre, pour refre-
per l'insolence assez familiere aux liber-

raips. Celuy n'est point digne de commander qui ne sçait obeïr: car le plus grand des hommes est sujet à Dieu, & s'il fait quelque chose contre celuy qui luy cōmande, plusieurs moindres que luy se dispenseront de l'obeïssance qu'ils luy ont vouee: chacun croit qu'il luy est loysible de suiure l'exemple de son maistre. Mais en effet tout le monde peut escouter ce qui peut nuire ou fauoriser à vn Estat, pourceu que l'on ne pratique que ce qui est iustement raisonnable, & que l'on demeure en son deuoir.

Alcibiades ne pouuoit souffrir que l'on innouast aucune chose en vn Estat, disant qu'il valoit mieux l'administrer selon les loix & les coustumes anciennes, que de ne se vouloir accōmoder au temps, & de le gouuerner à sa fantasie, suiuant plustost sa passion que la raison ou la iustice. Auguste mesme defendoit de ne rien changer des coustumes, encores qu'on en voulut introduire des meilleures: parce que les vieilles ordonnances ont tousiours plus d'energie, & bien qu'elles soient pires, elles sont plus vtilles que celles qui sont innouees. Car de mesme qu'un arbre trop souuent transplanté ne profite point, la Monarchie ne sçauroit auoir d'autho-

rité, quand elle est regie par des loix, & par des personnes differentes: principalement quand l'animosité de l'un fait defendre ce que l'autre auoit commandé, ou commander ce qui estoit defendu. Voila pourquoy la France ayant esté gouuernee par les Roynes-Meres, en la minorité des Roys, il est dangereux de la mettre en la Regence d'un autre, l'Aiglon n'est iamais plus asseuré que lors qu'il est sous les aïlles de sa mere.

Te nous auois predict que des Martiaux feroient dessein d'aller en Hongrie, en cela ie voudrois que tu fusses veritable, que Messieurs les princes y allassent arborer leurs enseignes, y moissonnant les fructs que tant d'autres braues princes, leurs parens y ont semez. Ce seroit là où ie voudrois que ce Grand prince, nay sous le Scorpion, receut la plus belle & la plus glorieuse fortune qu'il puisse esperer, & qu'il s'esleuast au throsne de l'Asie, à la confusion & à la ruine totale des Ottomans. Que ceux qui sont de sa brigade allaissent visiter le Mauzoles de leurs ayeulx, arrousant leur cendre du sang des infidelles, où ils trouueroient cét Epitaphe pour en de leur proche.

Prince digne nepueu des Princes d'Austrasie,
 qui planterent la Foy dans le temple d'Asie,
 pour memorable exemple à la posterité:

Je vous offre ces vers, pitoyables reliques
 de chacun doit offrir des loüanges publiques,
 et pour vostre merite, & pour leur verité.

La France estoit paisible, & vostre ame sommoit
 de suivre vos ayentx en la terre f dumeé,

Com fit chercher la guerre entre les estrangers,
 n'ayant la volupté d'un siecle miserable,
 sachant que la vertu, des humains desirable,
 ne se peut acquerir que parmy les dangers.

La Hongrie est vn champ assez spacieux,
 pour y recueillir des victoires, & des triom-
 phes dignes de vos merites, & des efforts
 de vos armes, & pour contenter tous ceux
 que vous desirez recompenser selon leur
 qualité.

Les sages de l'antiquité nous ont fait re-
 cognoistre trois proprieté permanentes,
 qui ne se peuuent des-vnir d'auéc le So-
 leil, à sçauoir, la rondeur, la lumiere, & les
 rayons. L'experience de tous les siecles nous
 fait remarquer trois vertus particulieres
 annexes à la personne du Roy: premiere-
 ment, la Majesté, la puissance, & la Iustice.
 La rondeur du Soleil est ce globe qui con-
 tient la lumiere & les rayons.

La Majesté Royale est ce miroir qui
 nous represente la puissance & la Iustice.

La lumiere éclatte & communique sa clarté aux hommes, brullant ceux qui s'en approchent trop inconsidérément: la puissance des Roys tonne & estonne ceux qui temerairement en abusent, & comme le Soleil a la mesme lumiere en son Orient qu'en son Midy: Le Roy a la mesme puissance en l'Auril de ses ans qu'il aura en son âge viril. Les rayons procedent de la rondeur & de la lumiere.

La Iustice prouient de la Majesté & de la puissance, car elle fait chaitier les mauuais, & recompenser les bons seruiteurs de sa Majesté. Venez donc, Messieurs, receuoir les recompenses de vostre fidele obeyssance, & du rang que vous tenez auprez de ce Soleil de la France, & ne vous en separez point par vn conseil qui n'aura autre effect qu'un trop tard repentir: car tout ainsi que la terre se sert des rayons du Soleil pour enuoyer ses vapeurs & ses exhalaisons en l'air, on dira que vous vous estes aidez du nom du Roy pour seruir de couleur à quelque petite animosité que vous recelez en vosames, si vous ne venez au prez de sa Majesté l'assister des effects de vos prouesses, & des fruiets de vostre prudence.

FIN.





MC

